

4.Վ Դ 6/0698/05/13

**Վարչական դատական մշտադիտարկված գործերի
քննությունը
ձգձգելու օբյեկտիվ պատճառները**

Գործով առաջին դատական նիստի՝ 28.12.2014թ նշանակումը հայցի վարույթի ընդունումից՝ 28.12.2013թ-ից հետո՝ 2 ամիս անց նշանակելը օբյեկտիվ պատճառներից կարող է լինել, քանի որ գործող օրենքի համաձայն¹՝ հայցը վարույթ ընդունելու որոշում կայացնելուց հետո՝ եռօրյա ժամկետում, վարչական դատարանն պետք է այդ որոշումը, հայցադիմումի և կից փաստաթղթերի պատճենները ուղարկի դատավարույն մասնակիցներին:

Կրկին նույն օրենքի համաձայն² միաժամանակ երկշաբաթյա ժամկետ է տրվում Պատասխանողին վարչական դատարան ուղարկել հայցադիմումի պատասխանը, որի ստանալուց հետո դատարանը գործող օրենքի համաձայն³ կարող է հրավիրել նախնական դատական նիստ, հետևաբար այս դատավարական համալիր գործողությունների իրականացումը, այդ թվում դատարանի կողմից դատական նիստից առաջ ծանուցումն ապահովելու անհրաժեշտությամբ պայմանավորված առաջին նախնական դատական նիստի նշանակումը երկու ամիս անց օբյեկտիվ պատճառներով է պայմանավորված:

**Վարչական դատական մշտադիտարկված գործերի
քննությունը
ձգձգելու սյուբեկտիվ պատճառները**

Սույն գործով դատարանը նշանակել է 16 դատական նիստ, որից 15 դատական նիստերը դատաքննության փուլի են եղել, որից 2-ը չեն կայացել Դատավորի արձակուրդում գտնվելու և վերապատրաստման դասընթացին մասնկացելու հիմքով, արդյունքում 13 դատական նիստերը եղել են դատաքննության փուլում, այն ինչ գործող օրենքի համաձայն⁴ դատաքննությունը, որպես կանոն, պետք է ավարտվի մեկ դատական նիստով՝ առանց հետաձգումների:

Այս դեպքում չի կարող օրինաչափություն համարվել 13 դատաքննություն նշանակելը գործով, երբ օրենդիրը որպես կանոն նախատեսել է մեկ դատական նիստով ավարտ:

Տեսականորեն, եթե այդ 13 դատաքննություններից մի մասը համարենք նշանակված ծանուցումների կամ այլ պատճառներով, այնուհանդերձ 13/1 հարաբերակցությունը արդարացված չէ:

¹ ՀՀ վարչական դատավարության օրենսգիրք 78-րդ հոդված կետ 5
² ՀՀ վարչական դատավարության օրենսգիրք 86-րդ հոդված կետ 1
³ ՀՀ վարչական դատավարության օրենսգիրք 89-րդ հոդված կետ 1
⁴ ՀՀ վարչական դատավարության օրենսգիրք 84-րդ հոդված կետ 2

Արդարացված չէ նաև այն պատճառով նաև, որ գործով կայացված դատական ակտի ուսումնասիրությունն ինչ հետևում է, որ դատավարական հակառակորդ կողմը՝ Մեծ Պարսի Գյուղապետարանի ներկայացուցիչ՝ Յոյր Յաղուբյանը դատական նիստում չի առարկել հայցի դեմ, ՅՅ վարչական դատարանին հայտնել է, որ հայցվորի ընտանիքը բազմանդամ է, բնակվում են վագոն-տնակում, չի ժխտում, որ նրանք երկրաշարժի ժամանակ տուն են ունեցել, սակայն այն նշված չէ արխիվային տեղեկանքում, նախկին հերթացուցակում ընդգրկված են եղել, հաշվառումից հանվել են Կարգի 6-րդ կետի համաձայն (տես դատական ակտում):

Վերոգրյալի համատեքստում ակնհայտ է, որ դատավարական «պայքար», խոչընդոտներ չեն եղել, ինչն արդեն իսկ լրացուցիչ հիմքեր չի առաջացրել դատավարությունը երկարաձգելու, ապացույցներ պահանջելու, պրոցեսները երակարաձգելու համար, գործով բացառապես ենթակա են եղել պարզաբանման միայն իրավունքի հարցեր, արդյոք Յոյր Յոյրի և ընտանիքի անդամներին պետական աջակցությամբ իրականացվող բնակարանային ապահովման ծրագրերի շրջանակներում բնակարանային պայմանները բարելավելու իրավունք ունեցող քաղաքացիների ցուցակի հաշվառումից հանելու ուղղված համայնքի ղեկավարի գործողությունը իրավաչափ է, թե ոչ:

Արդյունքում գործի համար պարզաբանման են եղել միայն իրավունքի հարցեր, որն էլ դատարանը պետք է ըստ էության իր որոշմամբ անդրադառնար, հետևաբար 5 տարի դատաքննությունը առդարացված չէ և ինքնին հանգեցրել է ՅՅ վարչական դատավարության օրենսգրքի 84-րդ հոդվածի խախտմանը, այն է գործը դատաքննության նախապատրաստելը և բուն դատաքննությունը պետք է իրականացվեն ողջամիտ ժամկետներում, բացառությամբ այն դեպքերի, երբ առանձին գործերի քննության և լուծման համար սույն օրենսգրքով սահմանված են որոշակի ժամկետներ: Այս գործով բացակայել է առանձին գործի համար նախատեսված գործի քննության որոշակի ժամկետների հիմքը, հետևաբար պետք է գործեր ընդհանուր ողջամիտ ժամկետներին ընդհանուր կանոնը:

Ավելին, երբ Պատասխանող կողմը չի առարկել հայցի դեմ, դատարանը պետք է օգտվեր վարչական դատավարության օրենսգրքի 119-րդ հոդվածի հիմքերից՝ կիրառելու արագացված դատաքննություն և 121-րդ հոդվածի համաձայն կիրառելու 121-րդ հոդվածը, այն է՝ 119-րդ հոդվածով սահմանված հիմքերի առկայություն դեպքում դատարանն անհապաղ անցնում է գործն ըստ էության լուծող դատական ակտ կայացնելուն, քանի որ ոչ միայն հայցն ակնհայտ հիմնավոր է եղել, այլ և Պատասխանող կողմն չի առարկել հայցի դեմ:

Գործի քննության հետաձգումները և 5 տարի դատավարությունն են երկու, դատարանը հաշվի չի առել, որ պաշտպանության դիմած անձիք խոցելի են, որպես անօթևան, երկրաշարժից տուժած, բնակարան կորցրած, վագոնում բնակվող և 12 անձից բաղկացած ընտանիքն է դիմել դատական պաշտպանության և անձիք դատական պաշտպանության դիմելիս ակնկալել են բնակարանի, կեցուցության հարցի լուծում և անկախ

ապագայում կայացվող դատական ակտից, դատարանը պետք է առանձնահատկություն կիրառի նմանատիպ վարույթներով, որով կաշկանդված չէ օրենքով, քանի որ հայցվորները, որպես անօթևան անձիք բարձրացրել են կեցություն, ապրելու վայրի հարցը, որի նուժումը ողջամիտ ժամկետում, դատարանի կողմից տրվող գնահատականը կարող է որոշակիություն կունենալ դատական պաշտպանություն հայցող անձանց համար, որ էթե հայցը բավարարվում է, ապա անձինք չեն կրի դրսում հայտնվելու արդյունքում վնասներ՝ բարոյահոգեբանական, ֆիզիկական, առողջական, իսկ էթե դատարանը մերժում է պահանջը, ապա գոնե որոշակի կարող են լինել ընտանիքի համար և վերջիններս ձեռնարկեն հնարավոր բոլոր քայլերը՝ իրենց բնակարանով ապահովելու համար և չսպասեն 5 տարի, սաել այն դեպքում, երբ կոնկրետ այս գործով չի բողոքարկել Պատասխանող կողմը, այլ ապես հակառակ պարագայում այն կհատեր նվազագույնը 10 տարի սահմանագիծը:

Դատական պաշտպանությունը պետք է լինի անձի համար նաև արդյունավետ և բարենպաստ դատական ակտի կայացումը չպետք է ապահովի միայն տեսական պահանջի բավարարում, այլ գործնականում ծառայի իրավիճակի լուծմանը, դատարանի առջև բարձրացված հարցին:

Ուշագրավ է, որ դատարանի կողմից նշանակված երկու դատավարական նիստեր չի կայացել դատավորի վերապատրաստման դասընթացին մասնկացելու և դատավորի արձակուրդում գտնվելու պատճառով ներով:

Նախ պետք է արձանագրել, որ և վերապատրաստման դասընթացների առկայությունը և տրամադրվող արձակուրդի հաստատմանը տիրապետում են դատավորները դեռևս տարեսկզբին, բացառապես անհետաձգելի իրավիճակների դեպքում (օրինակ իր հաշվին արձակուրդ վերցնելը) հետապես դատական նիստերի հետաձգումը մի իրավիճակով պայմանավորված, որպիսի հանգամանքին դատավորները տիրապետում են նախապես, ուստի գործի քննության հետաձգումները պայմանավորված դատավորի արձակուրդներով կամ վերապատրաստման դասընթացներով օբյեկտիվ պատճառներ չեն կարող լինել (մանրամասն ներկայացված է Եզրակացություն մեջ):

29.09.2015թ դատական նիստը դատավորը նշանակել է դեռևս 08.05.2015թ վականին, այն ժամանակահատվածում, երբ արդեն իսկ վերապատրաստման դասընթացի ցանկին և իր կողմից այդ դասընթացներին մասնակցելու ժամանակացույցին տիրապետում էր:

Անդրադառնալով մեկ այլ՝ 27.06.2019թ դատական նիստի հետաձգումը դատավորի արձակուրդի գտնվելու հիմքով, գտնում ենք, որ սառնաքիս հայացքից թվում է, թե օբյեկտիվ պատճառ է գործի քննության, մինչդեռ էթե նկատի ունենանք այն հանգամանքը, որ յուրաքանչյուր դատավոր իր արձակուրդներով վերաբերյալ հաստատում է դեռևս տարեսկզբին է ուղղարկում, հետևաբար վերջինս նախապես իմանալով իր տվյալ օրը արձակուրդի մեջ գտնվելու փաստը, չի

կարող այդ օրը նշանակել դատական նիստ: Մասնավորապես դատավորի արձակուրդի կանոնակարգման, տրամադրման և ժամկետների մասով կարգավորում է ՀՀ դատական օրենսգիրք Սահմանադրական օրենքի 58-րդ հոդվածով: Նշված հոդվածի առկայությունը ամբողջությամբ օրենսդիրը հստակ ձևակերպել է, որ դատավորի ամենամյա արձակուրդը պետք է տրամադրվի այնպես, որ չխոչընդոտվի դատարանի բնականոն գործունեության իրականացումը, ինչից պահանջվում է, որ դատավորի արձակուրդի հիմքով գործի քննության հետաձգմամբ խախտվում են դատավարության մասնակիցների իրավունքները, խոչընդոտվում են դատարանի բնականոն գործունեության իրականացումը, ինչն էլ ըստ էության օրենսդիրը արձանագրել է օրենքով մեջբերում օրենքից՝ ՀՀ դատական օրենսգիրք սահմանադրական օրենք 58-րդ հոդված՝

2.7. Դատավորին ամենամյա հետթակն արձակուրդը պետք է տրամադրվի այնպես, որ չխոչընդոտվի դատարանի բնականոն գործունեության իրականացումը:

Ըստ էության Օրենսդիրը նաև «խուսափելով» այդ հիմքը որպես գործի քննության հետաձգման օբյեկտիվ հիմք տալու որակումներին, նույն հոդվածով տվել է կարգավորում արձակուրդի տրամադրման ժամկետների վերաբերյալ հստակ արձանագրելով դատավորի արձակուրդի հաստատման ժամանակահատվածը, որից հետևում է, որ յուրաքանչյուր դատավորի արձակուրդի ժամկետները մինչև տվյալ տարվա հունվարի 31-ը հաստատվում են դատարանի նախագահի կողմից, ավելին միևնույն ժամանակում հրապարակվում դատական իշխանության կայք էջում, ինչից պահանջվում է, որ դատավորի համար նախապես արդեն իսկ տարվա սկզբում հայտնի են դառնում այն օրերը, որոնց ժամանակ գտնվելու է արձակուրդի մեջ և այս գործով արդեն իսկ տարվա կեսին 27.06.2019թ դատական նիստ նշանակելը և այդ օրը հետաձգելն գործի քննության հետաձգման իրավաչափ հիմք չէ, օրենքով նախատեսված չէ, օրենքից մեջբերում՝

ՀՀ դատական օրենսգիրք սահմանադրական օրենք 58-րդ հոդված՝

9. Դատավորին արձակուրդ տրամադրելու կարգը սահմանվում է Բարձրագույն դատական խորհրդի որոշմամբ:

Արդյունքում այս գործով դատարանը 2013թ վականին հարուցված վարույթը ավարտելով 2019թ վականին, 2 ուրջ 5 տարի իրականացնելով քննություն, այն դեպքում

- Երբ իսկզբանե պատասխանողն չի առաջարկել հայցի դեմ
- Երբ դատարանի կողմից պարզման ենթակա է եղել միայն իրավունքի հարցեր
- Երբ ապացույցներ պահանջելու անհրաժեշտություն չի եղել
- Երբ պաշտպանություն հայցող անձիք խոցելի են եղել /անօթևան/
- Երբ վեճի առարկան անձանց կեցության հարցն է եղել
- Երբ դատական ակտը նույն իսկ չի բողոքարկվել

Արդեն իսկ հաստատում են դատարանի կողմից գործի քննության անհիմն սուբյեկտիվ պատճառներով ձգձգման մասին, անարդյունավետ պաշտպանություն և ապահովելու մասին:

